



SULEQATIGIISITSISUT
SAMARBEJDSPARTIET
UPA2019/228
Tillie Martinussen

16. maj 2019 – Siullermeerneqarnera

**Uunga siunnersuut: UPA 2019/208 – Tarnimikkut napparsimasunik
nammineersinnaajunnaarsitsisarneq allatigullu pinngitsaalliissummik iliuuseqartarneq pillugit
Inatsisartut Inatsisaat nr. xx, xx. xxx 2019-imeersoq.**

(Peqqissutsimut Isumaginninnermut Inatsisinullu Atuutsitsinermut Naalakkersuisoq)

Naalakkersuisut, qujanaq manna inatsisissatut siunnersuut saqqummiukkassiuk. Pisariaqarpormi. Inatsisissatut siunnersuummi iluarsiiernerit assut isumaqatigaagut, tunngasut ikkut unitsitsinnaanersut, nakorsaanerup peqannginnerani. Ullutsinni Nunatsinni nakorsanik tarnillu nakorsaani amingaateqarpugut aamma isumaqarpugut titarnertaami tamanna eqqarsaatigineqarsimasoq aamma pisimasunut soqutiginnippat pisariaqarlutillu. Taakku isumaqatigilluinnarpagut.

Apeqqutigerusupparput ulorianassutsimut taaguut piviusumi qanoq atuutissanersoq. Tassungarpiag perinitsinnut pissutaavoq qanigisaasut arlallit oqaloqatigisimani aamma oqaaseqartup nammineq eqqarsartaatsimigut napparsimasunik ilaqaqarsimani, unitsinneqarsimangikkaluamik naak imminnut perlarsiisimagaluartut, qasusooqqasutut aqqusinermi angalaartarsimagaluartut imaluunniit pisariaqanngitsumik uloanartorsiortitsisarimagaluartut, ajornerpaamillu pisoqaraangat ilaquuttaminnut persuttaasarsimagaluartut imaluunniit aqqusinermi nalaatsornerinnakkut naapitaminnut, psykoseqarnertik pissutigalugu.

Erseqqissassavarpulli katsorsaaneq pitsanngoriartortutut isigigatsigu kiisalu tarnimikkut napparsimasunut nakorsaatit taakkunanngalu aqutsinerit soorlu aamma qanigisat arlallit taamaaliortartut. Annermik illoqarfinni annerni.

Taamaakkaluartoq akuttunngitsumik nalunaarfigineqartarpugut peqatigiiffinniit qanigisaasuniillu angerlarsimatitsiinnartarnissaq ajornartartoq imaluunniit nammineq angerlarsimaffimmiititsinissaq - tamannami pisortanut iluaqutaassaaq, qanigisaasut tamatigut misigineq ajormassuk A1-mik suleqateqarneq pitsaasuusooq qanittuusorlu. Imaluunniit sinerissami, tarnimikkut narppasimasunik sullissisut peqqissaasut paarlakaatikulasut. Ingerlatiinnarlugulu oqaatigissavarpugut pissutsit tamakku pissutigalugu iliuusissanut pilersaarusiortarneq sakkussaasoq pitsak.

Naalakkersuisoq atorfillillu nersualaarusuppugut inunnik nalunaarsuisarneq pillugu inatsit pisariaqanngitsumik aporfiusarnerisooq pillugu titarnertaag ilanngussimammassuk, napparsimasut kommunimiit kommunimut imaluunniit illoqarfimmiit illoqarfimmut nuukkaangata. Nuannaarutigarpugut angisuumik matumani pineqartoq taaneqarmat aammali tusarusupparput napparsimasut immaqalu qanigisaasut suleqatigisarnissaat pillugu kommuninut ilitsersuusiortoqassamaarnersoq? Suleqatigiissutigineqarsinnaanerluni inunnik peqateqartalernissaq timigissartarnissarluni imaluunniit inuulluarnerunissamut aqquutaasinnaasut allat, tarnikkut napparsimasunik katsorsaatinut ilanngullugu immaqaluunniit pinaveersaartitsiniutinut? Assut iluarisimaarnarpoq inatsimmi tamanna eqqaaneqarmat.



**SULEQATIGIISITSISUT
SAMARBEJDSPARTIET**

Qanigisaasut siunnersorneqarnissaminnut periarfissaqarpat aamma oqaloqateqarnissaminnut tarnikkut napparsimasut katsorsartinneranni?

Psykoseqaqqilersinnaanerit pinaveersaartinniarlugit sulissutiginnittoqartarpa imaluunniit nappaatit allat sakkortuut, tarnikkut napparsimasunik katsorsaavimmi soorlu piffissami aalajangersimasumi oqaloqatiginnittarnerit atorlugit aamma soorlu nakorsaait ingerlaavartumik allannqortittarnerisigut imaluunniit pineqartoq nukissaqarfigineqanngikkallarnarluni?

Aamma best practice taamatullu ilisimatusarnermi ilisimalikkat nutaanerpaat atorneqarsinnaanersut apeqqutigisassavarput taamatullu nakorsaait nutaanerpaat, tarnikkut napparsimasunik katsorsaavimmi. Illeqqorineqarnerluni? Taamaassimappat taava tamanna qanoq pisarpa?

Paasivarput allaatigineqartoq napparsimasut qarasaat qupinnguallatsitseqattaartartut, periuseq taanna nunani assigerusutatsinni akuttusoorujussuarmik atorneqartarpoq aamma tunuarsimaarfigineqartarluni, taamaattumik oqaluttarfimmiit apeqquteqartariaqarsimavugut.

Aamma apeqqutigerusupparut napparsimavimmi sygeplejestationinilu assigiinngitsuni sulisut paarlakaajaattuurtut ilitsersuutunik pajunneqartarnerat pillugu aamma taakku isumasioqatigineqartarmata supervisererneqartarlutillu tarnikkut napparsimasunik suliaqarnerminni?

Aperivugut ernummatigigatsigu napparsimasut qanigisaasullu ulluinnarni ingerlaqqinnissaminnut pisariaqartitartik naapertorlugu ikiorneqartarnerisut nappaatimik sapinngisamik ajunnginnerpaamik aqunnissaannut. Sualummik sinerissami tamanna ajornartorsiutigineqarluarsinnaavoq.

Pinngitsaaliilluni malitseqartitsinissamut titarnertaaq immikkut nersualaarusupparput kiisalu titarnertaaq inoqatinik peqateqartalernissamut tunngasoq aamma atonerluisunik katsorsaasarnissamut oqaloqatiginnittarnissamut il.il. tunngasoq. Eqqortup tungaanut alloriarneq siulleq kisianni angusassaq suli ungasippoq siunertat piviusunngortinnissaannut, taamaattumik apeqqutigerusupparput, qanoq iliorlutik Naalakkersuisut tamanna malissamaarneraat aamma qanoq aningaasartuuteqarnerusariaqarnissaq naatsorsuutigineeraat.

Nunatta inissisiamnera pissutigalugu unamminartut eqqarsaatigalugit kiisalu peqqinnisaqarfiup iluani sulisussarsiniarnitsinni sulisooreersunillu tigumminniinnarnissatsinni ajornartorsiuteqartarnerput eqqarsaatigalugu immaqqa eqqarsaatigilluarneqarsinnaavoq kommunini tarnikkut nappaatillit katsorsarneqarnerannut atatillugu malitseqartitsivinnik pilersitsisoqarsinnaanissaa, pinaveersaartitsiniarluni kiisalu tarnikkut napparsimasunut tatiginnilernissaq pilersinniarlugu. Soorunami tarnikkut nappaatillit pillugit pikkorissartoqartassaaq. Taamaasillutik pisortat aningaasanik nukinnillu sipartinneqartassapput politiit atugassaraluinik uninngaviillumu, nuussigasuartarnerit il.il. taava aningaasat innuttaasut iluarnerusumik pineqarnissaannut illluatinneqarsinnaapput.

Naggataatigut taassavarput pingaaruteqarmat meeqqat inuusuttullu tarnikkut nappaatillit immikkut qanimut malinnaavigineqartarnissaat, inersimasunik ineqateqartannginnissaat aamma piaartumik naliliivigineqartarnissaat atuarfinni imaluunniit allani pasitsaanneqassagalarpat tarnikkut immaqqa nappaateqartoqartoq. Tassani eqqarsaatigineqarsinnaavoq nutaanik paasititsiniaasoqassanersoq tamanna pillugu atuarfinni aamma allani tulluuttuni meeqqanik sullissiviusuni.

Tarnip nappaataanut ilisimasat aamma tarnikkut nappaatilinnut tunngatillugu naliginnaasut unamminartut eqqarsaatigalugit sualummillu meeqqani suli imatorsuunngillat.



SULEOATIGIISITSISUT
SAMARBEJDSPARTIET

Peqataanik Naalakkersuisut aperiniarpagut immikkut ittumik nalunaarusiorsinnaanginnersut, imaluunniit direktiviliorsinnaanginnersut/ilitsersuusiorsinnaanginnersut meeqqat pisinnaatitaaffiisa ilanngunneqarfisaannik, soorlu Meeqqat illersuisuata oqaatigisaa naapertorlugu, Meeqqanik Illersuisup innersuussutai naapertorlugit kissaatigineqanngimmat matuma inatsisip oqaasertai.

Ataatsimut isigalugu manna eqqartugarput iluarisimaarparput aamma kissaatigaarput inatsisissatut siunnersuut ataatsimiititaliami suliarineqassasoq siunertaralugu apeqquitta oqaluuserineqarnissaat.

Qujanaq oqaaseqarsinnaagama.